

一饗膳事、今夜不及六位、此事如何、已著橫數之間可備歟、如此巨細之段、不見次第之間、是非難定、如此事不載次第者、是往古定可爲定例、當世希有、諸事未練之間、迷是非者也、

一藏人著小板數事、古義定就勸盃之所役、從下觴起座、不復本座、著小板數歟、古次第云、六位藏人候橫數次一獻此間藏人等移著上文又云、藏人返給銚子於主殿司、退下著本座、已上文案之、依所役從下觴起座著小板數之段勿論也、然者一獻度下觴一人、二獻又一人、如此可起座歟、但又一度可起座之條可然歟、未決治定、今夜從下觴一度起座也、爲可著小板數之儀者、從上首可起歟、此事後日不審之段、頭中將云、先下觴起座事、是則爲可獻勸盃也、仍然也云々、此儀可然、但尙相殘兩人一度令起座者、諸仲以緒等、從上首人々起座、如何、

一巡流事、次第云、最末人留置盃於座下方藏人在橫數者可持盃已上文如次第者、六位悉非可起座歟、假令今夜三人也、各從下觴勸盃後也、仍悉以起座勿論也、若藏人至四位者、上首一人可在橫數歟、然者可傳盃也、

一著座事、古次第云、相分著之謂江須加介已上文、奧端相分著也、定例歟、今夜兩朝臣位階季國朝臣上也、仍各著奧了、此事或人云、於殿上對貫首所存無其謂云々、可否如何、

一伺氣色事、殿上人於下戶外跪伺貫主氣色之由、見次第、雖然當時以下侍爲番所、不及撤疊也、仍於橫數伺之歟、

一資遠朝臣今度如習朗詠、不經日數、聊雖似道聊爾、古來於燕醉者如此歟、當其時、雲客人爲大切之故歟、於發言者、令斟酌了、

今樣事、前大納言殿老蒙失念給、仍無達人、資遠朝臣雖令傳受、不及稽古、仍不知也云々、此事內々同申入之處、適再興之時、無其儀事不可然、加涯分之了簡、可唱歌之由被仰下、仍大方以大納言殿了簡今度者有其儀、郢曲之道微々、不堪嘆息者也、博士等見古譜、雖令了簡定可相達、可愧可恐、可